



重生（北四縣腔）

南風陣陣吹來，樹葉慢慢搖動，企在你个面前，看著保持笑容个你，過往个事情一幕一幕閃過腦海；你摻你講个人情事理，對你个希望，每一件印記在你心肚。雖然你个肉體已經化作塵土，摻土地合做一體，毋過你知，你永遠陪在你身邊，分你个愛，毋會因為離開來減少。病魔逼你退出人生舞臺，這係上蒼个安排，你毋怨毋嘆，你知這下个你，已經得著重生。

個性硬頸好強个你，凡事合意自家處理，毋好勞煩別儕，選擇獨自面對醫生个宣判；暗晡轉來屋下時節，平靜講出發病个事情，全家人無人想愛相信，逐儕目汁滴無停，毋知愛仰般。半夜時，你偷偷行入你个房間，眠在你邊脣，將你搨緊緊，看出窗外，月光華華，你个目汁一粒一粒滴在枕頭頂頂，毋敢叫出聲；忽然間感覺手心傳來溫度，你搭著你个手，細聲又溫柔个聲調盤旋在耳公，講出「信心」係最好个良藥，這句話，定定仔套開你心肝个結。

治療過程你毋識在大家面前滴下目汁，你个堅強換來你个毋盼得，看著頭那毛掉在眠床、浴堂、客廳你行過个所在，每掉一撮，你个心就痛一下。每日朝晨跣床（起床）時，要求你一定會摻你梳頭那毛，透過鏡仔看到鏡中个你，像照顧細孺仔樣仔，細義梳著，毋敢出力，耐心梳開打結个地方；你講，人生過程總會堵著盡多「結」，套開結个方法愛靠耐心，每個「結」打開，就係全新个人，就係一種重生，過往个不順心，應當放水流，無好將自家束綁；你講，發病就係你堵著个結，你知這個結非常困難解開，你用意志力摻你奮鬥，從無放棄。你堅強个個性係你欽佩所在，無論幾辛苦，從來無喊過一聲苦，化學藥物在你身體起了作用，分你食毋落、睡毋好，黃皮瘦弱个面容分大家煩惱，毋過你總係笑弛弛仔講無事，休息一下就好！

閒毋下來个你，發病時節相同無改變，喊你毋好恁勞碌，仰般都講毋聽，感覺身體爽快一息，就開始做事。做事時節个你，面容表現出滿足摻自信，完全看毋出係病人。好景毋長，一場感冒引起發燒，摻你緊急送進醫院，你發夢都無想著，這擺進院變成你人生个最尾站，醫生嚴肅講出你無樂觀个地方，你惡化个速度連你都無法度控制，當下，你體認到「離開」兩字母係虛幻，係時間个快慢。平常愛上課个你，下課變成你兜兩儕相處時光，你摻你講學校生趣个事情，你總係笑微微，你个笑容總係帶著愁苦；你煩惱屋肚个事情，你愛你放寬心，無事情好操煩，看到你無血色个面容，你仰做得講出屋下个氣氛愁雲慘霧，毋知下一步要仰般行。

醫生巡房時節，變成你最期待个事情，因為醫生就係你个希望，最尾个一線生機，佢任何決定，都會影響到你个鬥志；每擺你目金金仔看著眼前穿著白袍个醫生，聽佢講著你个情況，敏感个你，漸漸仔感覺著醫生對你个無老實，你十分清楚，醫生對你个病情有盡多掩等。有一日半夜，聽著你偷偷在被骨裡肚叫，聲聲傳來，佢个目汁浸濕枕頭，佢了解到你个忍耐已經到最高點，你自家知時間無剩幾多。隔日，你集合全家人來到面前，親身交代你个後事愛仰般處理，逐儕个目汁滴無停，這種交代像千斤頂樣仔，壓到人無法度透氣；你保持平靜心情，看著佢兜，拿起邊脣个佛經一句一句念出來。幾日後，你个視神經開始受到壓迫，影像漸漸眼茫，朝晨、暗晡分毋清楚，你無怨天無怨地，選擇自在面對一切；你講，「還有一口氣，就會勇敢行下去。」

有一日臨暗，看你食忒歸碗甜湯，佢个心肝頭碰碰，該日半夜，你在睡目時離開世間，佢知，你盡力行到人生盡頭；你个毅力膠堅強，佢知，你完全無輸，這係一種人生个過程；看著你安祥个面容，佢知，你徹底得著重生。

創作理念

《重生》係對家人个懷念。一般人十分驚面對死亡，尤其發病時節，自家膠家人个煎熬，係一件痛苦个事情。作者用佢親身堵著个事情化作一篇文章，看阿婆仰般堅強面對自家病情，仰般用毅力行忒佢人生旅程。

阿婆个事情分佢有所啟示，「死亡」無一定係結束，相信佢永遠在你心肚，你自家个心靈會得到釋放，過世个人也會得著重生。

劉敏貞

國立臺北教育大學台灣文化所

